



REPUBLIKA E KOSOVËS/REPUBLIKA KOSOVA	
REPUBLIC OF KOSOVA	
KOMUNA JUNIK/OPŠTINA JUNIK/MUNICIPALITY OF JUNIK	
01/Nr. Prot.	2-155/11015
Një. Org	2
Nr. i faq	4
Data	12/12/2022



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY JUNIK

Këshilli Komunal për Siguri në Bashkësi

Plani i punës për vitin 2023

Hyrje

Këshilli Komunal për Siguri në Bashkësi (KKSBB) funksionon duke u bazuar në Udhëzimin Administrativ Nr.27/2012 MPB – 03/2012 MAPL për Këshillat Komunale për Siguri në Bashkësi.

Plani Vjetor i Punës së KKSBB-së, përcakton objektivat dhe aktivitetet të cilat do të ushtrohen nga anëtarët e KKSBB-së në përmbushje të qëllimit të funksionimit të këtij mekanizmi. Ky plan synon që të identifikojë qëllimet, aktivitetet dhe rezultatet, përkatësisht caktimin e përgjegjësisë për kryerjen e detyrave të përcaktuara me udhëzimin administrative për KKSBB-në.

Roli i KKSBB-së në komunën tonë është i rëndësishëm sepse grumbullon shqetësimet e qytetarëve nëpërmjet përfaqësuesve të bashkësive etnike, fetare, sociale, profesionale dhe ato shqyrtohen bashkë me përfaqësuesit institucional të komunës dhe të organeve të sigurisë dhe tentohet të zgjidhen në dobi të qytetarëve.

KKSBB në Junik drejtohet nga kryetari i komunës së Junikut z. Ruzhdi Shehu në bashkëpunim të ngushtë me komandantin e policisë së Junikut z. Rasim Sylja dhe në bashkëveprim të vazhdueshëm me përfaqësuesit e bashkësive fetare myslimane, përfaqësues të organizatave jo qeveritare, të biznesit dhe ekupe për siguri publike në bashkësi, nën monitorim autoriteteve nacionale siç është Departamenti i Sigurisë Publike dhe autoriteti i inspektoratit të policisë si dhe të organizatave të ndërkombëtare si OSBE, KFOR dhe UN.

Nëpërmjet KKSBB-së arrihet të kuptohen shqetësimet e të gjithë qytetarëve në komunën e Junikut dhe të ndërmerren hapa konkret për zgjidhjen e atyre problemeve. Duke qenë të bindur në rolin e rëndësishëm që ka KKSBB, komuna e Junikut është në maksimum e përkushtuar që plani i punës së KKSBB-së të zbatohet me përpikëri.

Çdo komunë është e obliguar të themelojë Këshillin Komunal për Siguri në Bashkësi. KKSBB themelohet me vendim të kuvendit të komunës dhe kryesohet nga Kryetari i Komunës. Mandati i KKSBB-së është 4 vite dhe korrespondon me periudhën e mandatit të Kuvendit të Komunës. Në mënyrë që me sukses të kryej misionin e vetë, duke u bazuar në udhëzimin administrativ Nr.27/2012 MPB – 03/2012 MAPL, KKSBB duhet të përpilojë dhe ta miratojë planin e punës për vitin vijues. Pas miratimit të planit të punës nga vetë KKSBB, plani prezantohet dhe shqyrtohet edhe në kuvendin e komunës përkatëse.

Qëllimi i planit të punës

Këshilli Komunal për Siguri në Bashkësi nuk do të kufizohet vetëm në detyrat e përcaktuara me këtë plan, por do të jetë aktiv edhe në përcjelljen e zhvillimeve të përditshme shoqërore, për t'i identifikuar dhe adresuar problemet e qytetarëve nga fusha e sigurisë së përgjithshme dhe trajtimin e kërkesave të tyre të kësaj natyre. Plani i punës i KKSBB-së ka për qëllim përmirësimin e sigurisë së qytetarëve duke u kujdesur për problematikat të cilat e prekin drejtpërdrejtë jetën e tyre. Plani i punës ofron qartësi në veprim, definon problematikat dhe afatet që do të trajtohen gjatë vitit, paraqet rezultatet e pritura, tregon se kush janë autoritetet përgjegjëse për të marrë masa në zgjidhjen e problemeve.

Objektivat

Duke u bazuar në udhëzimin administrativ Nr.27/2012 MPB – 03/2012 MAPL KKSBB duhet të mbajë së paku 6 mbledhje gjatë vitit. Në këto mbledhje shqyrtohen problemet të cilat synojnë përmirësimin e sigurisë së qytetarëve. Duke u bazuar në këto udhëzime, KKSBB në Junik për vitin 2023, përveç mbajtjes së 6 mbledhjeve të obligueshme, synon që të shqyrtojë këto çështje të sigurisë:

Aktivitetet

Për t'arritur këto objektivat, Anëtarët e KKSBB do të ndërmarrin këto aktivitete:

1. Do të monitorojnë në vazhdimësi gjendjen e sigurisë në të gjithë territorin e komunës;
2. Do të mbledhin shënime, fakte dhe do të raportojnë në mbledhjet e KKSBB-së për secilin problem të vëzhguar, dëgjuar apo supozuar;
3. Do të mbajnë takime me qytetarë, këshilla shkollore, grupe qytetarësh, organizata joqeveritare (OJQ) dhe do të dëgjojnë problemet e tyre;
4. Do të adresojnë problemet në organet kompetente, si dhe krijimin e partneritetit dhe iniciativave të përbashkëta për zgjidhjen e problemeve të sigurisë në çdo bashkësi;
5. Do të mbajnë evidenca për problemet e shqyrtuara dhe për progresin e arritur në zgjidhjen e problemit;

Rezultatet e pritura

Duke vepruar siç është cekur më sipër dhe duke u përqendruar në objektivat e shënuara më sipër situata do të ndryshojë në të mirë të qytetarëve. Për qytetarët do të sigurohet më shumë siguri në të gjitha fushat.

PLANI I PUNËS SE KKSb-së PËR VITIN 2023

Në formë tabelore paraqitet si:

Kategorizimi	Nr	Temat për shqyrtim	Bartësit	Periudha e raportimit
Shëndetësia	1	Kodi i Etikës, personeli mjekësor, Gjendja me barna dhe material esenciale në QKMF Dr. "Ali Hoxha".	Drejtori i QKMF-së në Junik; Drejtorja Shëndetësi dhe Mirëqenies Sociale;	Shkurt
	2	Raporti mbi përmasat zhvilluese të pandemisë Covid-19 për periudhën 2022-2023.	Drejtori i QKMF – Junik; Drejtori i Shëndetësisë dhe Mirëqenies Sociale në komunën e Junikut;	Shkurt
	3	Shëndeti tek nxënësit e Komunës së Junikut.	Drejtorja Shëndetësi dhe Mirëqenies Sociale, Drejtori i DKA.	Shkurt
Kamerat e Qytetit	4	Kamerat e qytetit.	Informatë nga Drejtoria e Administratës së Përgjithshme dhe nga Policia e Kosovës.	Shkurt – Tetor
Arsimi	5	Diskutim rreth vijeshmërisë së nxënësve në Komunën e Junikut.	Të përgatitet raport nga Drejtoria Arsim, Kulturë, Rini dhe Sport.	Prill - Dhjetor
	6	Mësimi në kohë pandemie, situata me pandeminë në shkolla.	Të përgatitet raport nga Drejtoria Arsim, Kulturë, Rini dhe Sport.	Shkurt
	7	Mirëmbajtja e shkollave siguria në dhe për rreth objekteve shkollore. Delikuenca e nxënësve, mbarëvajtja e procesit arsimor nga ana e mësimdhënësve.	Të përgatitet raport nga Drejtoria Arsim, Kulturë, Rini dhe Sport, këshilli i prindërve, psikologët e shkollave apo edhe pedagogët.	Qershor
	8	Gjendja e shkollave sipas rezultateve të testit të arritshme risë për klasat e 9-ta dhe Maturës Shtetërore.	Të përgatitet raport nga Drejtoria Arsim, Kulturë, Rini dhe Sport.	Gusht
Ambienti	9	Mbrojtja e lumenjve që rrjedhin në komunën e Junikut, Deponitë ilegale dhe mbeturinat.	Të ftohen në bashkëbisedim nga zyrat përgjegjëse: Drejtoria e Shërbimeve Publike, Inspektion, Mbrojtje dhe Shpëtim, Drejtoria e Urbanizmit, Policia dhe këshillat lokale.	Qershor

Mjedisi Urban	10	Fatkeqësitë natyrore, vërshimet, erërat e forta, bllokimi i kanaleve, Gjelbërimi.	Të ftohen në bashkëbisedim nga Kompania Rajonale për mirëmbajtjen e kanaleve, Drejtori për Zhvillim Ekonomik- Bujqësi, Turizëm, dhe Pylltari, Drejtori për Shërbime Publike Inspektion, Mbrojtje dhe Shpëtim - njësia e emergjencave.	Shkurt - Tetor
Siguria	11	Siguria dhe kontrolli i produkteve ushqimore.	Të ftohen në bashkëbisedim nga Drejtoria për Shërbime Publike, Inspektion, Mbrojtje dhe Shpëtim dhe AVUK.	Prill
	12	Zjarret fushore dhe malore, pengesat për qasje të zjarrfikësve.	Drejtori për Zhvillim Ekonomik- Bujqësi, Turizëm, dhe Pylltari, Drejtoria për Shërbime Publike, Inspektion, Mbrojtje dhe Shpëtim – njësia e emergjencave.	Gusht
	13	Dëmtimi i shtëpive, vjedhja e gjësendeve, siguria në komunën e Junikut, Qentë endacak.	Të ftohet në bashkëbisedim përfaqësuesit e institucioneve komunale si dhe autoritetit nacional, Agjencioni i Veterinarisë.	Tetor
	14	Prerja ilegale e pyjeve, Gjuetia e paligjshme dhe peshkimi i paligjshëm.	Drejtori për Ekonomik dhe Zhvillim, zyrtari për Bujqësi, Turizëm dhe Pylltari. Agjencioni pyjor.	Gusht
	15	Siguria në trafik, parkingjet, sinjalizimi, sanimi i rrugëve dhe ndriçimi publik.	Të ftohen për bashkëbisedim nga Drejtoria për Shërbime Publike dhe Inspektion.	Gusht
Të Drejtat e Njeriut	16	Mbrojtja e grupeve të marginalizuara të cilët mund të privohen nga të drejtat themelore.	Të ftohen në bashkëbisedim institucionet, OJQ që merren me çështje të dhunës në familje dhe të ngjajshme, Drejtoria Shëndetësi dhe Mirëqenies Sociale.	Dhjetor - Shkurt
	17	Diskutim mbi gjendjen e të moshuarve dhe hapat që duhet të ndërmerren nga Komuna e Junikut.	Drejtori Shëndetësi dhe Mirëqenie Sociale.	Shkurt
	18	Ri integrimi i personave të riatdhesuar.	Të ftohet në bashkëbisedim IOM dhe organizatat tjera që e trajtojnë këtë çështje.	Dhjetor
Raportimi dhe Plani i Punës	19	Raportim në Kuvendin Komunal për aktivitetet e zhvilluara nga KKSBB-së për vitin 2023, Shqyrtimi dhe miratimi i Planit të punës për vitin 2024.	Raportim i aktivitetit vjetor të KKSBB-së për vitin 2023, Dorëzimi i Planit të punës për vitin 2024 në Kuvendin Komunal.	Janar – Gusht, Dhjetor

Afati kohor

Plani i punës Janar deri në Dhjetor 2023.

Përmbledhje

Në këtë plan të punës janë paraqitur informacione për KKSBB-në, aktet që e rregullojnë veprimtarinë e saj. Po ashtu është paraqitur qëllimi i planit të punës, objektivat e planit, aktivitetet që do të ndërmerren nga anëtarët e KKSBB-së për t'i arritur objektivat si dhe janë paraqitur rezultatet e pritura dhe afatet kohore.